

INA i MOL potpisali su Ugovor o preuzimanju dionica Energopetrola kojim je INA preuzela 1.840.128, odnosno 33,50 posto Energopetrolovih dionica u vlasništvu MOL-a, objavili su iz INA-e.

Ovom transakcijom INA je povećala svoj vlasnički udio u Energopetrolu na 67% te postala većinski vlasnik kompanije čiji će finansijski rezultati biti konsolidirani u rezultate INA Grupe.

“Akvizicijom Energopetrola INA se dodatno pozicionirala na tržištu Bosne i Hercegovine te dokazala da vjeruje u dugoročnu perspektivu Energopetrola i tržišta Bosne i Hercegovine. Ovime INA postaje najveći pojedinačni distributer naftnih derivata u BiH s ukupno 101 aktivnom benzinskom pumpom u maloprodajnoj mreži.

Poslovnu odluku Uprava Ine donijela je na temelju dobrog poznavanja tržišnih prilika u BiH, a s ciljem daljnje izgradnje regionalne pozicije koja može imati pozitivan utjecaj na Inino poslovanje te plasman visokokvalitetnih Ininih proizvoda na tržištu Bosne i Hercegovine”, navode iz INA-e.

Konzorcij INA-MOL kupio je većinski državni udio u Energopetrolu 2006. godine, a dvije kompanije do sada su ravnopravno vlasnički kontrolisale kompaniju sa po 33,50 posto.

izvor: indikator.ba